

VENDIM
Nr. 337, datë 21.12.2022

MBI MIRATIMIN E KONTRATËS, NDËRMJET SHOQËRIVE KESH SHA DHE FTL SHA, PËR SHITJEN/BLERJEN/DEPOZITIMIN/SHKËMBIMIN E ENERGJISË ELEKTRIKE

Në zbatim të neneve 16, 20, germa “h”, 47, 56, germa “f”, si dhe 90, të ligjit nr. 43/2015, “Për sektorin e energjisë elektrike”, të ndryshuar; pjesës I, nenit 4, pikës 7, të vendimit të Këshillit të Ministrave (VKM) nr. 456, datë 29.6.2022, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; VKM-së nr. 650, datë 10.10.2022, “Për disa ndryshime në vendimin nr. 584, datë 8.10.2021, të Këshillit të Ministrave, “Për shpalljen e gjendjes së emergjencës në furnizimin me energji elektrike”; kapitullit V të “Rregullave të Tregut Shqiptar të Energjisë Elektrike”; “Kodit të Transmetimit”, miratuar me vendimin e Bordit të ERE-s nr. 63, datë 11.4.2022; si dhe nenit 15 të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.6.2016; Bordi i ERE-s, në mbledhjen e tij të datës 21.12.2022, pasi shqyrtoi relacionin me nr. 2094/6 prot., datë 19.12.2022, të përgatitur nga drejtoritë teknike “Mbi miratimin e kontratës ndërmjet shoqërive KESH sh.a. dhe FTL sh.a.”,

konstatoi se:

- Bordi i ERE-s, me vendimin nr. 273, datë 27.10.2022, vendosi që KESH sh.a. dhe FTL sh.a. të rishikojnë kontratën e përcjellë në ERE, bazën ligjore dhe nenin 8 të kontratës ndërmjet shoqërisë KESH sh.a. dhe shoqërisë FTL sh.a., për periudhën kohore 1.1.2022–31.12.2022.

- Shoqëritë KESH–FTL, me shkresën nr. 1745/1 prot., datë 7.12.2022, dërguan në ERE kontratën tip, mes shoqërisë KESH–FTL, me nr. 5996 prot., datë 7.12.2022, të KESH sh.a. dhe nr. 2780/1 prot., datë 7.12.2022 të FTL sh.a., me ndërhyrjet sipas konstatimeve dhe përmbajtjes së vendimit të Bordit të ERE-s nr. 273, datë 27.10.2022, si dhe sqarimet respektivisht si më poshtë vijon:

- Lidhur me këtë pikë, shoqëritë kanë sqaruar se në zbatim të parashikimeve të vendimit nr. 456, datë 29.6.2022, të Këshillit të Ministrave, konkretisht nenit 15, “Dispozita kalimtare”, pika 2, ngarkohen shoqëritë KESH sh.a., FSHU sh.a., OSSH sh.a. dhe FTL sh.a., që me hyrjen në fuqi të këtij vendimi, të rakordojnë sasitë e energjisë elektrike të depozituar/shkëmbyer përgjatë vitit kalendarik, sipas të dhënave faktike të periudhës së rakordimit.

- Konkretisht, marrëdhënia kontraktore mes palëve do të fillojë zbatimin nga momenti i hyrjes në fuqi të vendimit nr. 456/2022, me sasi energjie të depozituar/shkëmbyer, sipas rakordimit të realizuar nga ana e palëve.

- Nga shqyrtimi i kontratës vlerësohet, se:

- Në bazën ligjore të kontratës të sjellë për miratim në ERE të shtohen dhe këto akte ligjore:

- Vendimi nr. 23, datë 25.3.2009, i Bordit të Komisionerëve të Entit Rregullator të Energjisë, “Mbi rinovimin e licencave në aktivitetin e prodhimit dhe tregtimit të energjisë elektrike shoqërisë KESH sh.a.”, të ndryshuar;

- Vendimi nr. 198, datë 3.9.2018, i Bordit të Komisionerëve të Entit Rregullator të Energjisë “Mbi licencimin e shoqërisë ‘Furnizuesi i Tregut të Lirë’ sh.a. (FTL sh.a.) në veprimtarinë e tregtimit të energjisë elektrike”;

- Vendimi nr. 253, datë 21.12.2021, i Bordit të ERE-s, “Mbi çmimin vjetor të blerjes së energjisë elektrike që do t’u paguhet prodhuesve ekzistues me përparësi për vitin 2022”.

- Neni 8, "Parashikime kalimtare", vlerësohet të ndryshojë, si më poshtë:

1. Palët, me miratimin e kësaj kontrate, bazuar në parashikimet e pikës 2, të nenit 15, të vendimit nr. 456, date 29.6.2022, të Këshillit të Ministrave, pas nënshkrimit ndërmjet tyre, rakordojnë sasinë e energjisë elektrike të depozituar/shkëmbyer përgjatë vitit kalendarik, sipas të dhënave faktike të periudhës së rakordimit.

- Në nenin 8 vlerësohet të shtohet pika 3, si më poshtë vijon:

3. Ky rakordim mbyllet jo më vonë se datë 10.1.2023.

- Neni 9, "Miratimi i ERE-s, hyrja në fuqi, efektet dhe zgjidhja e parakohshme", pika 1 vlerësohet të ndryshojë, si më poshtë:

1. Kjo kontratë dhe secili nga kushtet këtu, do të hyjë në fuqi pas miratimit nga ERE.

- Neni i fundit i kontratës, neni 9, të ndryshojë dhe të bëhet neni 10, pasi neni 9 përsëritet dy herë.

Për gjithë sa më sipër, Bordi i ERE-s

VENDOSI:

1. Miratimin e kontratës ndërmjet shoqërisë KESH sh.a. dhe shoqërisë FTL sh.a. për shitjen/blerjen/depozitimin/shkëmbimin e energjisë elektrike (bashkëlidhur).

2. Kontrata e nënshkruar nga Palët të dërgohet në ERE brenda 5 ditëve nga marrja dijeni e këtij vendimi.

3. Drejtoria Juridike dhe e Zgjidhjes së Mosmarrëveshjeve të njoftojë te shoqëritë KESH sh.a., dhe FTL sh.a. për vendimin e Bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t'i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të Bordit, në rast se ka siguruar prova të reja që mund ta çojnë Bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti

Nr. _____ prot, datë ____/____/2022

Nr. _____ prot, datë ____/____/2022

Kontratë ndërmjet KESH sh.a dhe FTL sh.a. për periudhën dd/mm/vvvv – dd/mm/vvvv

E lidhur sot me datë _____.2022, ndërmjet:

Korporatës Elektroenergjitike Shqiptare, KESH sh.a., regjistruar si person juridik me vendimin Nr.12728, date 06.11.1995 të Gjykatës së Rrethit Gjyqësor Tirane, me seli ne Rr.”Viktor Eftimiu”, Blloku Vasil Shanto, Tirane, Shqipëri, me NUIS J61817005F, e përfaqësuar nga Erina REXHEPI, Administrator i Shoqërisë KESH sh.a., qe me poshtë do te quhet **“Shitësi/Blerësi/ Depozituesi”**,

dhe

Shoqërisë “Furnizuesi i Tregut të Lirë” SH.A., shoqëri aksionere, regjistruar në 30.03.2018 në Rregjistrin Tregtar të mbajtur pranë Qendrës Kombëtare të Biznesit me NUIS L81530029T, me seli Bulevardi “Gjergj Fishta”, Ndërtesa Nr. 88, H. 1, Kati i IV, Njësia Administrative Nr. 7, 1023, Tiranë, Shqipëri, përfaqësuar nga Administratori Ergys VERDHO, qe me poshtë do të quhet **“Blerësi/Shitësi ose Depozitdhënësi”**,

(të cilët do të referohen veç si më sipër së bashku si “Palët” dhe me vete si “Pala”)

Baza ligjore: Ligji Nr.43/2015, “Për sektorin e energjisë elektrike”, i ndryshuar, Vendimi Nr. 456, datë 29.06.2022 i Këshillit të Ministrave “*Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike*”, Vendimi Nr. 584, datë 08.10.2021 i Këshillit të Ministrave “Për shpalljen e gjendjes së emergjencës në furnizimin me energji elektrike”, i ndryshuar.

Në kushtet kur:

- Në nenin 12, pika 4 të Vendimit të Këshillit të Ministrave Nr. 456, datë 29.06.2022 parashikohet trajtim i tepricave të energjisë elektrike të krijuara nga prodhimi i burimeve të rinovueshme të energjisë, të cilat depozitohen te shoqëria publike e prodhimit, për t’u përdorur për nevoja të furnizimit dhe shkëmbehen gjatë vitit për mbulimin e humbjeve të “OSSH” SH.A., deri në mbulimin e plotë të tyre.
- Në nenin 5, pika 7 të Vendimit të Këshillit të Ministrave Nr. 456, datë 29.06.2022 parashikohet trajtim i tepricave të prodhimit të energjisë elektrike nga shoqëria publike, për qëllim të mbulimit të humbjeve në rrjetin e shpërndarjes së “OSSH” SH.A.
- Deri në hyrjen në fuqi të Vendimit Nr. 456, datë 29.06.2022, të Këshillit të Ministrave, detyrimi për shërbim publik vendosur për shoqëritë e sektorit dhe marrëdhënie mes shoqërisë së prodhimit të energjisë elektrike, aksionet e së cilës kontrollohen plotësisht ose pjesërisht nga shteti dhe furnizuesit të shërbimit universal rregulloheshin nga Vendimi i këshillit të Ministrave Nr. 620, datë 22.10.2021, i ndryshuar.
- Në dispozitat kalimtare të Vendimit Nr. 456, datë 29.06.2022 të Këshillit të ministrave, parashikohet që me hyrjen në fuqi të këtij vendimi të rakordojnë sasitë e energjisë elektrike të depozituar/shkëmbyer përgjatë vitit kalendarik, sipas të dhënave faktike të periudhës së rakordimit, për vitin ushtrimor 2022.
- Është shpallur gjendja e emergjencës në furnizimin me energji elektrike përgjatë gjithë vitit 2022.

Palët bien dakord si më poshtë vijon:

Neni 1

Objekti i Kontratës

“KESH” dhe “FTL” lidhin dhe nënshkruajnë këtë kontratë për shitje/blerje/depozitim/shkëmbimin të energjisë elektrike me qëllim plotësimin e kërkesës me sasi energjie elektrike për mbulimin e humbjeve në rrjetin e shpërndarjes, sipas rasteve të mëposhtme:

1. KESH sh.a., do të quhet “Shitësi” dhe FTL sh.a. do të quhet “Blerësi”, për atë sasi të energjisë elektrike që evidentohet si tepriçë e energjisë elektrike mbas mbylljes së bilancit që ka patur destinacion plotësimin e kërkesës për mbulimin e humbjeve në rrjetin e shpërndarjes për periudhën kohore 01.01.2022-31.12.2022.
2. FTL sh.a. do të quhet “Depozitdhënësi” dhe KESH “Depozituesi”, për atë sasi të energjisë elektrike e evidentuar si tepriçë të energjisë elektrike nga prodhimi i burimeve të rinovueshme të energjisë. Kjo sasi e energjisë elektrike e depozituar do të kthehet/shkëmbëhet shoqërisë FTL sh.a. për plotësimin e kërkesës për humbjet në rrjetin e shpërndarjes brenda vitit kalendarik.
3. FTL sh.a., do të quhet “Shitësi” dhe KESH sh.a. “Blerësi”, për atë sasi të energjisë elektrike e cila evidentohet në fund të vitit kalendarik e pa kompensuar me energji elektrike për mbulimin e humbjeve, dhe ku FTL ia shet KESH me çmimin e blerjes së energjisë elektrike nga prodhuesit me përparësi hidrikë.
4. Sasitë e energjisë të shitura/blera/depozituara/shkëmbyera, në zbatim të parashikimeve të pikës 2 të nenit 15 të Vendimit Nr. 456, datë 29.06.2022, rakordohet mes palëve bazuar në të dhënat faktike. Në procesin e rakordimit sasia e energjisë elektrike të depozituar do të jetë ajo sasi e energjisë elektrike e prodhuar nga burimet e rinovueshme të energjisë përtej sasisë së alokuar për mbulimin e humbjeve në rrjetin e shpërndarjes.

Palët kujdesen që gjatë procesit të depozitimit/shkëmbimit, të rakordojnë çdo muaj në përputhje me dispozitat e mësipërme për saktësimin e sasisë së energjisë së depozituar/shkëmbyer. Periudha nga Janari deri në Gusht 2022 do të rakordohet menjëherë pas nënshkrimit të kësaj kontrate, sipas të dhënave faktike të kësaj periudhe.

Neni 2

Detyrimet Kryesore të Palëve

1. FTL SH.A. përpara çeljes së procedurës së blerjes në treg të energjisë elektrike për mbulimin e humbjeve në rrjetin e shpërndarjes, do të konfirmojë me KESH SH.A. sasitë gjendje të energjisë elektrike të depozituara, si dhe do të informojë KESH SH.A. për sasinë që ka planifikuar të blejë për mbulimin e humbjeve në rrjet, duke i kërkuar KESH SH.A. informacion mbi mundësinë që kjo e fundit ka për ta furnizuar me sasi energjie elektrike nga prodhimi i kaskadës.
2. FTL SH.A. çdo muaj/javë/ditë në avancë planifikon tepriçat e pritshme të energjisë elektrike të prodhuar nga burimet e rinovueshme të energjisë përtej sasisë për mbulimin e humbjeve në rrjetin e shpërndarjes dhe do t'i dërgojë në rrugë elektronike shoqërisë KESH SH.A. për t'i depozituar/shitur, si më poshtë:
 - çdo ditë të enjte informacionin për javën në avancë në profil 24 orë;
 - brenda orës 15:00 informacion të përditësuar për ditën D+2 në profil 24 orë;
 - brenda orës 12:00 informacion për ditën D në profil 24 orë.
3. FTL SH.A. pas mbylljes së bilancit energjitik dërgon në KESH SH.A. të dhëna për:
 - (i) sasinë faktike të prodhimit nga burimet e rinovueshme;
 - (ii) sasinë e energjisë që është importuar nga FTL për mbulimin e humbjeve.
 - (iii) sasinë faktike të energjisë e cila është përdorur për mbulimin e humbjeve.

Saktësimi i sasive të depozituara/ të shkëmbyera do të bëhet mes palëve jo më vonë se data 10 e muajit pasardhës.

4. KESH sh.a., në funksion të kapacitetit gjenerues (në rast të prurjesh në kaskadë) përpara çeljes së procedurave të shitjes së energjisë elektrike, njofton shoqërinë FTL sh.a mbi mundësinë e prodhimit të energjisë elektrike për mbulimin e humbjeve në rrjetin e shpërndarjes, ndërsa kjo e fundit duhet të konfirmojë brenda afatit të përcaktuar në kërkesën e KESH-it pranimin ose jo të sasisë së energjisë elektrike të ofruar nga KESH sh.a. për mbulimin e humbjeve.
5. Bazuar në pozitën e palëve për muajt paraardhës, energjia e llogaritur mbi të dhënat më sipër do të përbëjë:
 - i) energji të depozituar, është sasia që rezulton pozitive nga diferenca mes shumatores së prodhimit nga burimet e rinovueshme të energjisë dhe blerjes në treg të parregulluar për mbulimin e humbjeve, me humbjet totale mujore në rrjetin e shpërndarjes sipas bilancit energjitik të Operatorit të Sistemit të Shpërndarjes dhe Furnizuesit të Tregut të Lirë.
 - ii) energji të shkëmbyer, është sasia që rezulton negative nga diferenca mes shumatores së prodhimit nga burimet e rinovueshme të energjisë dhe blerjes në treg të parregulluar për mbulimin e humbjeve, me humbjet totale mujore në rrjetin e shpërndarjes sipas bilancit energjitik të Operatorit të Sistemit të Shpërndarjes dhe Furnizuesit të Tregut të Lirë.

Neni 3 **Realizimi i transaksioneve**

1. Sasia e tepërt e energjisë elektrike nga prodhimi i kaskadës së Drinit, pas ezaurimit të sasisë së energjisë së depozituar nga prodhimi i burimeve të rinovueshme të energjisë në periudhat pararendëse, i shitet “FTL” SH.A. nga “KESH” SH.A. për mbulimin e humbjeve me çmimin e blerjes së energjisë nga prodhuesit me përparësi hidrikë.
2. Nëse në përfundim të rakordimit vjetor mes palëve, evidentohet se humbjet janë mbuluar përtej sasisë së energjisë së depozituar nga FTL SH.A. në KESH sh.a., dhe kjo sasi nuk është pjesë e prodhimit të KESH sh.a, atëherë kjo sasi do të faturohet me çmimin mesatar të ponderuar të sigurimit të kësaj energjie nga KESH sh.a. në periudhën përkatëse.
3. Transaksionet e depozitimit dhe shkëmbimit të energjisë do të realizohen pa çmim por me balance energjitike.
4. Transaksionet e shkëmbimit të energjisë do të realizohen në raportin: 1 (një) njësi e depozituar : 1 (një) njësi e kthyer.
5. Në rast se në fund të vitit, sasia e depozituar e energjisë së prodhuar nga prodhuesit me përparësi është më e madhe se ajo e kthyer për mbulimin e nevojave të humbjeve në rrjetin e shpërndarjes, atëherë KESH sh.a. do të kompensojë në vlerë këtë diferencë energjie, me çmimin e blerjes së energjisë nga prodhuesit me përparësi hidrikë.

Neni 4 **Faturimi dhe Pagesa**

1. Në rastin e shitjes së humbjeve, në përputhje me nenin 3 pika 1 të kësaj kontrate, nga shoqëria KESH për FTL, Shitësi do t'i dorëzojë Blerësit një faturë sipas formatit dhe standardeve që parashikon legjislacioni në fuqi, e cila paraqet sasinë totale të Energjisë Elektrike të dakordësuar nga shitësi dhe blerësi për mbulimin e humbjeve në sistemin e shpërndarjes. Paraqitja e faturës do të bëhet brenda datës 10 të muajit pasardhës të periudhës së livrimit të energjisë elektrike. Krahas faturës, Shitësi do t'i dorëzojë Blerësit edhe të dhënat shoqëruese që lidhen me faturimin.

2. Në përputhje me nenin 3 pika 5 të kësaj kontrate, shoqëria FTL brenda datës 10 të muajit pasardhës të lëvrimit të energjisë elektrike, duhet t'i dërgojë KESH informacion mbi sasinë faktike të energjisë elektrike të prodhuar nga prodhuesit me përparësi më shumë se ajo e kthyer për mbulimin e humbjeve në sistemin shpërndarjes.

Në fund të vitit kalendarik, Palët pas marrjes së të dhënave, rakordojnë detyrimin vjetor për tepricën nga prodhimi i burimeve të rinovueshme të energjisë dhe lëshojnë faturën tatimore brenda datës 10 të vitit pasardhës.

3. Pagesa e faturës nga ana e blerësit, do të bëhet brenda 30 ditëve kalendarike nga data e lëshimit të fatures.
4. Vonesa në kryerjen e pagesës; Nëse Blerësi dështon në kryerjen e pagesës brenda afatit të përcaktuar në këtë Kontratë, shpërblimi për dëmet e shkaktuara si rezultat i vonesës, do të jetë sipas legjislacionit në fuqi. Në llogaritjen e kamatëvonesës nuk përfshihet data kur kryhet pagesa.

Neni 5

Mos-Performanca për shkak të Forcës Madhore apo pamjaftueshmërisë së plotësimit të kërkesës për klientët universalë

1. Përveç se kur specifikohet ndryshe, "Forcë Madhore" për qëllimet e Kontratës do të thotë një ngjarje jashtë kontrollit të arsyeshëm të Palës që pretendon Forcën Madhore ("Pala Pretenduese") që nuk mund ta shmangte ose ta kapërcente në mënyrë të arsyeshme dhe që bën të pamundur që Pala Pretenduese të kryejë detyrimet e livrimit ose pranimit, për shkaqet e mëposhtme, por pa u kufizuar me to:
 - a. defekti në komunikim ose i sistemeve kompjuterikë të OST-së përkatëse që e pengon Palën Pretenduese të kryejë detyrimet e livrimit ose pranimit; ose
 - b. pezullimi nga OST-ja përkatëse të livrimit, pranimit ose injorimit prej saj të detyrimeve të Palës Pretenduese lidhur me Programimin sipas Kontratës.
 - c. defektet apo ndërprerjet në rrjetin e shpërndarjes.
 - d. defektet apo ndërprerjet në sistemin e gjenerimit të KESH sh.a.
2. Nëse një Palë pengohet plotësisht ose pjesërisht për shkak të Forcës Madhore apo pamundësisë objektive të përcaktuara në këtë kontratë, do të konsiderohet se nuk ka ndodhur asnjë shkelje ose mospagim nga ana e Palës Pretenduese dhe ajo do të çlirohet (dhe jo thjesht pezullohet) nga këto detyrime për atë periudhë kohore dhe në atë shkallë që kjo Forcë Madhore e pengon performancën e saj. Asnjë detyrim për të paguar dëmet nuk do t'i merret Palës Pretenduese lidhur me sasinë e palivruara ose të pamarra.
3. Pala Pretenduese, sa më shpejt që të jetë e mundur pasi mëson për Forcën Madhore, do të njoftojë Palën tjetër për fillimin e Forcës Madhore dhe, për aq sa është e mundur, do t'i sigurojë një vlerësim jo-detyrues mbi zgjatjen dhe kohëzgjatjen e pritshme të paaftësisë së saj performuese. Pala Pretenduese do të përdorë gjithë përpjekjet komercialisht të arsyeshme për të lehtësuar efektet e Forcës Madhore dhe gjatë vazhdimit të Forcës Madhore, do t'i sigurojë Palës tjetër përditësime të arsyeshme, kur dhe nëse disponohen, mbi zgjatjen dhe kohëzgjatjen e pritshme të paaftësisë performuese.
4. Në rast dhe në atë shkallë që Shitësi çlirohet nga detyrimet e livrimit për shkak të Forcës Madhore, Blerësi do të çlirohet gjithashtu nga detyrimet korresponduese të pranimit dhe pagesës. Në rast dhe në atë shkallë që Blerësi çlirohet nga detyrimet e pranimit për shkak të Forcës Madhore, Shitësi do të çlirohet gjithashtu nga detyrimet korresponduese të livrimit.
5. Në rast të mos livrimit të plotë apo të pjesshëm të energjisë elektrike nga ana e Shitësit sipas sasisë së përcaktuar ndërmjet palëve, Shitësi, në rastin kur nuk shfaqësohet nga Forca Madhore, siç përcaktohet në këtë nen, do të paguajë Blerësit një shumë për sasinë e moslëvruar të energjisë elektrike, të barabartë me diferencën e çmimit ndërmjet çmimit të përcaktuar në këtë kontratë dhe çmimit më të lartë, nëse

ka një të tillë, me të cilin Blerësi e ka blerë ose do ta blinte sasinë e palëvruar të energjisë elektrike në treg, duke vepruar në një mënyrë komercialisht të arsyeshme, shumë të cilës do ti shtohen edhe kostot shtesë, të dokumentuara.

6. Në rast të mos pranimit të plotë apo të pjesshëm të energjisë elektrike nga ana e Blerësit sipas sasisë së përcaktuar ndërmjet palëve, Blerësi, në rastin kur nuk shfaqësohet nga Forca Madhore, siç përcaktohet në këtë nen, do ti paguajë Shitësit një shumë për sasinë e papranuar të energjisë elektrike, të barabartë me diferencën e çmimit ndërmjet çmimit të përcaktuar në këtë kontratë dhe çmimit më të ulët, nëse ka një të tillë, me të cilin Shitësi e ka shitur ose do ta shiste sasinë e papranuar të energjisë elektrike në treg, duke vepruar në një mënyrë komercialisht të arsyeshme, shumë të cilës do ti shtohen edhe kostot shtesë, të dokumentuara.

Neni 6

Personat e kontaktit

1. Të gjitha njoftimet, që dërgohen sipas ose në lidhje me këtë Kontratë, duhet të dërgohen me shkrim në adresën e mëposhtme me email ose faks:

Për FTL	Për KESH
Administratori i Kontratës	
Z/Znj. Funksioni Drejtor Operacional/DTE Adresa Bulevardi "Gjergj Fishta", Ndërtesa Nr. 88, H.1, Njësia Administrative Nr. 7, 1023, Tirane. Mob:+ E-mail:	Z/Znj Drejtori i Departamentit të Operimit dhe Tregtimit Adresa: Rr."Viktor Eftimiu", Blloku "Vasil Shanto", Tiranë Tel.: + 355 4 2241981/249 Mob:+ 355 697098777 Fax: + 355 4 2232046 E-mail:
Programimi	
Z/Znj Funksioni: Specialist/Drejtorja e Blerjes se Energjise ne treg te rregulluar/DTE. Adresa: Bulevardi "Gjergj Fishta", Ndërtesa Nr. 88, H.1, Njësia Administrative Nr. 7, 1023, Tirane. Mob:+ 355 E-mail:	Z/Znj Drejtor i Drejtorise se Operacioneve Tregtare Adresa: Rr."Viktor Eftimiu", Blloku "Vasil Shanto", Tiranë Tel.: + 355 4 2241981/263 Mob:+ 355 69 4033490 Fax: + 355 4 2232046 E-mail:
Back Office	
Z. Funksioni Drejtor i Departamentit Ekonomik Adresa: Bulevardi "Gjergj Fishta", Ndërtesa Nr. 88, H.1, Njësia Administrative Nr. 7, 1023, Tirane. Mob:+ 3556 E-mail:	Z/Znj Përgjegjës, Sektori i Administrimit të Kontratave Adresa: Rr."Viktor Eftimiu", Blloku "Vasil Shanto", Tiranë Tel.: + 355 4 2241981/263 Mob:+ 35568 6025827 Fax: + 355 4 2232046

	E-mail:
--	---------

Neni 7

Legjislacioni në Fuqi dhe Zgjidhja e Mosmarrëveshjeve

1. Legjislacioni në Fuqi: Përveç kur specifikohet ndryshe, kjo Kontratë do të interpretohet dhe drejtohet nga legjislacioni në fuqi të Republikës së Shqipërisë.
2. Zgjidhja e Mosmarrëveshjeve: Përveç kur specifikohet ndryshe, çdo mosmarrëveshje që ngrihet lidhur me Kontratën do t'i referohet fillimisht për zgjidhje ERE-s. Secila palë mund të kërkojë gjithashtu zbatimin nga Gjykata të të drejtave të saj kontraktuale. Gjykata kompetente është gjykata e Rrethit Gjyqësor Tiranë.

Neni 8

Parashikime Kalimtare

1. Palët, me miratimin e kësaj kontrate, bazuar në parashikimet e pikës 2 të Nenit 15, të Vendimit Nr. 456, datë 29.06.2022 të Këshillit të Ministrave, rakordojnë sasinë e energjisë elektrike të depozituar/shkëmbyer përgjatë vitit kalendarik, sipas të dhënave faktike të periudhës së rakordimit.
2. Rakordimi mes palëve i bashkëlidhet kësaj kontrate dhe shërben si referencë për gjendjet e sasive të energjisë së depozituara/shkëmbyera të cilat do të rregullohen nga parashikimet e kësaj kontrate për vitin 2022.

Neni 9

Miratimi i ERE-s, hyrja në fuqi, efektet dhe zgjidhja e parakohshme

1. Kjo Kontratë dhe secili nga kushtet këtu, do të hyjnë në fuqi pas miratimit nga ERE dhe do t'i shtrijë efektet nga dt. 01.07.2022-31.12.2022.
2. Ajo mund të përfundohet, ndryshohet apo zgjidhet përpara datës së mbarimit të saj, vetëm me miratimin nga ERE.

Neni 9

Kjo kontratë nënshkruhet në 6 (gjashtë) kopje të barazvlefshme, 3 (tre) kopje KESH sh.a. dhe 3 (tre) për FTL sh.a.



ERGYS VERDHO

ADMINISTRATOR



ERINA REXHEPI

ADMINISTRATOR